

Z A B I L J E Š K A

**sa Prve, konstituirajuće sjednice Komisije/Povjerenstva za međunarodne veze,
saradnju/suradnju i evropske/europske integracije , održane 10.10.2013.godine u Hotelu
“Bosnia”, Sarajevo, sa početkom u 11,00 sati**

Sjednici su prisustvovali: Edin Behrić, Edis Dervišagić, Ismar Alagić, Sanid Zirak, Dragomir Lučić, Dalibor Milinković (zamjena za Smiljan Vidić), Srećko Mikulić, Đenan Šarkinović i Luka Čelan
Opravnado odsutni: Đuro Topić
Sjednici su prisustvovali i: Šaćir Šošević (Geoprojekt d.o.o. Sarajevo), Vesna Travljanin i Zlata Turkić (Savez)

Na sjednici je predložen i usvojen sljedeći

D N E V N I R E D

1. Konstituiranje Komisije/Povjerenstva za međunarodne veze, saradnju/suradnju i evropske/europske integracije
2. Izbor predsjednika i zamjenika predsjednika Komisije/Povjerenstva
3. Razmatranje i usvajanje Prijedloga poslovnika o radu Komisije/Povjerenstva
4. Informacija o odžavanju NEXP-a (Sajma općina i gradova zemalja Jugoistočne Evrope/Europe) 2013.godine
5. Informacija o aktivnostima Saveza općina i gradova u Direkciji za evropske/europske integracije vezanim za Nacrt okvirnog strateškog dokumenta za BiH 2014.-2020.godine
6. Informacija o aktivnostima vezanim za delegaciju FBiH u Kongresu lokalnih i regionalnih vlasti Vijeća Evrope/Europe
7. Tekuća pitanja

1. Uvodne napomene za ovu tačku dnevnog reda dala je Vesna Travljanin, direktor Saveza općina i gradova FBiH i napomenula da su na Skupštini Saveza, održanoj u Fojnici, 06.02.2013.godine, između ostalog, konstituisane komisije/povjerenstva Skupštine Saveza kao oblici djelovanja Skupštine za pojedine oblasti. Rad komisija/povjerenstava ima za cilj poboljšanje rada Saveza i pripremu određenih aktivnosti iz domena rada lokalne samouprave o kojima se vodi rasprava i donose zaključci na Predsjedništvu, odnosno Skupštini Saveza. Napomenula je da je ova komisija/povjerenstvo u ranijem periodu bila nešto manje aktivna u odnosu na ostale, ali da se u narednom periodu ona treba posebno aktivirati s obzirom da predstoje značajne aktivnosti u oblasti avropskih/europskih integracija.

2. Nakon predstavljanja članova Komisije/Povjerenstva, za predsjednika jednoglasno je izabran **Ismar Alagić** (Općina Tešanj), a za zamjenika predsjednika jednoglasno je izabran **Srećko Mikulić** (Općina Grude).

3. U raspravi o Prijedlogu poslovnika o radu Komisije/Povjerenstva istaknuto je da se u Poslovniku treba precizirati koliko puta ovo tijelo treba zasjedati, pa je **zaključeno** da se:

- u članu 3. izmijeni stav 2. koji treba da glasi:”
„Sjednice Komisije/Povjerenstva se održavaju najmanje 2 puta godišnje, a u slučaju potrebe i češće“;
- u članu 9. treba dodati stav 4. koji glasi:
„Iznimno, u hitnim i opravdanim slučajevima (kratak rok za davanje mišljenja) članovi Komisije/Povjerenstva mogu se konsultirati, usaglašavati i izjašnjavati i putem e-maila“.

4. Vesna Travljanin je upoznala prisutne da je Savez općina i gradova FBiH članica NALAS-a (mreže zemalja Jugoistočne Evrope/Europe) u koju Savez ima dva predstavnika (Ivan Vukadin i Bego Birparić) i predstavnika u Upravnom odboru (Vesna Travljanin-oficir za vezu). Takođe je istakla da je Sajam općina i gradova (NEXPO) ustanovljen 2011.godine na inicijativu našeg Saveza, koji je i bio domaćin Prvog sajma. Ove godine, Drugi Sajam je održan u RHrvatskoj (Pula i Opatija) i evidentno je da ova manifestacija nije unaprijeđena, te je donesen **zaključak**:

- **Potrebno je napraviti sveobuhvatnu informaciju o efektima održanog 2. Sajma NEXPO 2013.godine;**
- **Potrebno je do održavanja sljedećeg Sajma za koga se zna da će biti organiziran u Plovidivu (Bugarska) sačiniti ozbiljan koncept nastupa jedinica lokalne samouprave iz FBiH (zajednički štand Saveza općina i gradova FBiH na kome će biti uključene sve zainteresirane jedinice lokalne samouprave).**

5. Zlata Turkić je obavijestila prisutne da je Savez općina i gradova FBiH učestvovao na Pripremnom sastanku za sektor „Integrirani lokalni razvoj“ u okviru formalnih konsultacija na izradi Strateškog dokumenta za IPA II za BiH 2014.-2020. Godine koji je organizirala Direkcija za evropske/europske integracije. U okviru ovih aktivnosti Savez je bio u obavezi da da objedinjene komentare na Nacrt okvirnog strateškog dokumenta za BiH 2014.-20120. Ovi komentari su upućeni svim članicama Saveza, ali su popunjene obrasce dostavile općine: Bosanski Petrovac, Doboj Istok, Gradačac, Kalesija, Kreševo, Odžak, Sapna i Široki Brijeg.

U diskusiji u kojoj su učestvovali gotovo svi prisutni istaknuto je da jedinice lokalne samouprave mogu puno dobiti kroz IPA 2, pogotovo što se po prvi put daje mogućnost direktnog apliciranja jedinica lokalne smouprave na ova sredstva. Na kraju diskusije **zaključeno** je:

- **Savez općina i gradova FBiH treba uputiti dopis Direkciji za evropske integracije i tražiti uključenje svog predstavnika u proces programiranja IPA 2 (2014-2020);**
- **Do iduće sjednice Komisije/Povjerenstva pripremiti informaciju o postojanju strrateških planova u općinama FBiH i njihovom stepenu ažurnosti;**
- **Savez treba provesti anketiranje jedinica lokalne samouprave o potrebama za edukacijom o EU fondovima i pripremama projekata;**
- **Savez treba aktivirati Jedinicu za evropske integracije.**

U okviru ove tačke dnevnog reda Zlata Turkić je informirala prisutne da je, na zahtjev Direkcije za evropske/europske integracije i urgentnost rješenja, Savez imenovao gospodina Elvisa Kondžića iz Gradske uprave Sarajevo u Zajedničko tijelo za programiranje budućeg IPA programa prekogranične saradnje/suradnje između BiH i Crne Gore 2014.-2020.

Ismar Alagić je istakao važnost programa prekogranične saradnje/suradnje (koju BiH ima sa Crnom Gorom, Hrvatskom i Srbijom), kao i činjenicu da u ta tijela treba da budu imenovani predstavnici iz područja koji imaju interesa za tu saradnju/suradnju. Na kraju **zaključeno je**:

- Na sljedećoj sjednici Komisije/Povjerenstva prezentirati raniji spisak lica zaduženih za prekograničnu saradnju/suradnju sa ove tri zemlje;
- Potrebno je utvrditi kriterije za predlaganje članova u međunarodne organizacije;
- Svim jedinicama lokalne samouprave poslati e-mail u kome se traži da evidentiraju probleme koje imaju u okviru međunarodnih projekata;
- Potrebno je između jedinica lokalne samouprave razmijeniti iskustva u vezi sa ovakvim projektima.

6. Zlata Turkić je upoznala prisutne da je, nakon održanih izbora 2012.godine, na zahtjev Vijeća Evrope/Europe, Savez općina i gradova FBiH delegirao svoje predstavnike u Kongres lokalnih i regionalnih vlasti (Semir Efendić, Jasminka Begić i Smiljan Vidić). Ranije su to bili Ljubo Bešlić, Husejin Smajlović i Jasmin Imamović. Prema propozicijama Vijeća Evrope/Europe članom prestaje biti delegat samo u slučaju odustanka, opoziva ili smrti. Prema informacijama koje smo dobili iz ureda šefa delegacije, gospodina Svetozara Pudarića, gospoda Husejin Smajlović i Jasmin Imamović su dali ostavke na članstvo, a gospodin Ljubo Bešlić nije, to našu delegaciju čine Ljubo Bešlić, Semir Efendić i Smiljan Vidić. Takođe, traženo je od šefa delegacije BiH da se delegacija sastane prije održavanja Kongresa lokalnih i regionalnih vlasti koji će biti održan krajem oktobra/listopada 2013.godine.

Usvojen je **zaključak**:

- **Pripremiti kriterije za predlaganje članova delegacije lokalnih i regionalnih vlasti na međunarodnom nivou, gdje učestvuje SOGFBiH**
- **Svi predloženi kandidati moraju dobiti podršku za svoje delegiranje i izbor na organima i tijelima SOGFBiH (Komisija i Predsjedništvo);**

7. U okviru ove tačke dnevnog reda gospodin Šaćir Šošević je predstavio Konvenciju o razvoju privredne infrastrukture BiH koja je zasnovana na privrednom i institucionalnom konceptu. Ona pretpostavlja stvaranje pravnog okvira za razvoj infrastrukture jer ne postoji potrebna koordinacija ideja, programa i aktivnosti u oblasti planiranja i razvoja privredne infrastrukture, kako na nivou BiH tako ni na nivou entiteta, posebno Federacije BiH. Usvajanjem Konvencije o razvoju privredne infrastrukture članovi konvencije bi *izrazili svoje opredjeljenje* da mijenjaju postojeće loše stanje u ovoj oblasti odnosno *stvorio bi se formalno-pravni okvir za zajedničko djelovanje*, kroz rad organa Konvencije i posebno rad Istraživačko-razvojnog instituta, kao operativne jedinice u okviru konvencije. Na kraju **zaključeno je**:

- **Komisija pruža podršku Konvenciji o razvoju privredne infrastrukture BiH kako bi ovaj proces nastavio sa daljim radom u smislu formiranja Istraživačko-razvojnog instituta i svih pratećih aktivnosti.**

Sjednica je završena u 13,10 sati.

Zabilješku sačinla: Zlata Turkić

PREDSJEDNIK KOMISIJE
Doc.dr.sc. Ismar Alagić dipl.inž.maš.